



Broj: 05/2-11/3-1943-2/23

Velika Kladuša, 10.11.2023. godine

Na osnovu člana 70., člana 69. i člana 68. stav (1) i (4) Zakona o javnim nabavkama BiH („Službeni glasnik BiH“, broj: 39/14 i 59/22), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku usluge izrade projektne dokumentacije za tri putna pravca u MZ Todorovo (3 lota) Općina Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

ODLUKU

o dodjeli ugovora za LOT 2: Izrada projektne dokumentacije za putni pravac „Farme Vejinac - Hušići“

1. Prihvata se ponuda ponuđača INDUSTROPROJEKT ad Prijedor, sa ponuđenom cijenom od 2.700,00 KM bez PDV-a, dostavljena Ugovornom organu po JN broj: 299-1-2-24-3-24/23 od 10.10.2023. godine, te se Ugovor o javnoj nabavci usluge izrade projektne dokumentacije za putni pravac „Farme Vejinac - Hušići“, dodjeljuje imenovanom ponuđaču.

2. Odbacuje se kao neprihvatljiva ponuda ponuđača GEO PREMJer d.o.o. Cazin, budući da ista nije potpuna i ne ispunjava zahtjeve iz tenderske dokumentacije.

3. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.

4. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokretnut je dana 05.10.2023. godine postupak javne nabavke izrade projektne dokumentacije za tri putna pravca u MZ Todorovo, općina Velika Kladuša.

Javna nabavka provedena je putem otvorenog postupka sa 3 lota, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-1-2-24-3-24/23 objavljeno je na Portalu javnim nabavki (ejn.gov.ba), dana 10.10.2023. godine. Procijenjena vrijednost nabavke iznosi 14.962,00 KM bez PDV-a, i to: LOT 1: 5.720,00 KM, LOT 2: 3.270,00 KM i LOT 3: 5.972,00 KM.

Krajnji rok za dostavljanje ponuda bio je 06.11.2023. godine do 13:00 sati, a javno otvaranje ponuda izvršeno je 06.11.2023. godine u 13:15 sati, što je konstatovano Zapisnikom sa otvaranja ponuda od 06.11.2023. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-1943/23 od 10.11.2023. godine konstatovala je da je Tendersku dokumentaciju preuzelo 20 (dvadeset) ponuđača, a da su nakon isteka krajnjeg roka za dostavljanje ponuda za LOT 2: Izrada projektne dokumentacije za putni pravac „Farme Vejinac - Hušići“, pristigle 3 (tri) ponude od strane ponuđača, i to:

1. RADIS d.o.o. Istočno Sarajevo, sa ponuđenom cijenom od 3.000,00 KM bez PDV-a,
2. INDUSTROPROJEKT ad Prijedor, sa ponuđenom cijenom od 2.700,00 KM bez PDV-a i
3. GEO PREMJer d.o.o. Cazin, sa ponuđenom cijenom od 2.950,00 KM bez PDV-a.

Nakon izvršenog otvaranja ponuda Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača RADIS d.o.o. Istočno Sarajevo i INDUSTROPROJEKT ad Prijedor, ispunjavaju formalno-pravne i tehničke zahtjeve Ugovornog organa, te su kao takve prihvatljive za Ugovorni organ, dok je ponuda ponuđača GEO PREMJEK d.o.o. Cazin ne sadrži Izjavu o ispunjenosti uslova iz člana 45. Zakona, Izjavu o ispunjenosti člana 52. Zakona i Aktuelni izvod iz sudskog registra, te je kao takve nepotpuna i ne ispunjava zahtjeve iz tenderske dokumentacije, pa je shodno tome kao takva neprihvatljiva za Ugovorni organ.

Članom 68. stav (1) Zakona o javnim nabavkama propisano je: „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog Zakona.“

Članom 68. stav (4) tačka i) Zakona propisano je: „Ugovorni organ dužan je dobaciti zahtjev za učešće ili ponudu kad ponuda nije potpuna i ne ispunjava uvjete iz tenderske dokumentacije.“

E-aukcija u ovom postupku javne nabavke nije previđena budući da je predmet nabavke ugovor o usluzi čije je predmet intelektualni rad (projektovanje radova), te se takve ponude ne mogu rangirati primjenom metoda automatskog elektronskog ocjenjivanja.

Nadalje, Komisija je u svom Zapisniku o pregledu i ocjeni ponuda broj: 05/2-11/3-1943/23 od 10.11.2023. godine shodno zakonskim propisima, kriteriju za vrednovanje ponuda „najniža cijena“ tehnički zadovoljavajuće ponude, utvrđenoj listi prihvatljivih ponuda koje ispunjavaju formalno-pravne i tehničke zahtjeve Ugovornog organa dala preporuku Općinskom načelniku Općine Velika Kladuša da se ugovor o javnoj nabavci projektne dokumentacije za putni pravac „Farme Vejinac - Hušići“ dodijeli ponuđaču INDUSTROPROJEKT ad Prijedor sa ponudenom cijenom od 2.700,00 KM bez PDV-a, kao najpovoljnijem ponuđaču u ovom postupku javne nabavke.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

DOSTAVITI:

1. Učesnicima u postupku, 3x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.



OPĆINSKI NAČELNIK
Fikret Abdić, dipl.ing.